



SEKTOR ZA TRANSPORT I KOMUNIKACIJE

**Udruženje prijevoznika u međunarodnom i međuentitetskom cestovnom prijevozu putnika
71000 SARAJEVO, Branislava Đurđevića 10.**

Tel: (++387 33) 566 178, Fax: (++387 33) 566 176,

e-mail: irnis.delija@komorabih.ba, www.komorabih.ba

Odbor Udruženja

Broj: 03-03-3-1999-6/17

Banja Luka: 06.12.2017. godine

Na osnovu člana 18. Pravilnika o organizaciji i radu Udruženja prijevoznika u međunarodnom i međuentitetskom drumskom prijevozu putnika (prečišćeni tekst) broj:EO-I-846-5/06, Odbor Udruženja prijevoznika u međunarodnom i međuentitetskom cestovnom prijevozu putnika na svojoj 18. sjednici, održanoj dana 06.12.2017.godine, usvojio je sljedeći:

ZAKLJUČAK

I

Odbor Udruženja, razmatrao je problematiku nedostatka kvalifikovanih vozača na tržištu rada u Bosni i Hercegovini, konkretno kvalifikovanih vozača koji posjeduju vozačku dozvolu D kategorije, neophodnu za obavljanje poslova vozača motornih vozila za cestovni prijevoz putnika. Razmatrani su i trenutni propisi za stjecanje kvalifikacije ili mogućnost prekvalifikacije za vozača motornih vozila za cestovni prijevoz putnika.

II

Odbor Udruženja predlaže nadležnim entitetskim ministarstvima da pristupe procedurama izmjene aktuelnih propisa za stjecanje kvalifikacije vozača motornih vozila za prijevoz putnika tako da motornim vozilom kojim se vrši prijevoz može upravljati osoba koja ispunjava uvjete utvrđene propisima o sigurnosti prometa na cestama te da ispunjava uslove da ima najmanje III stepen stručne spreme za zanimanje vozača motornog vozila ili najmanje III stepen srodne stručne spreme tehničkog smjera ili certifikat o stručnoj osposobljenosti za vozača motornog vozila bez uslova za gornjom granicom starosne dobi odnosno da ispunjava uslove za dobijanje dozvole D kategorije neophodnom za upravljanje motornim vozilom za prijevoz putnika.

III

Usvajanjem ovakvog prijedloga, stvorili bi se uslovi da Bosna i Hercegovina ne ostane bez mladih vozača na tržištu rada, što bi također, predstavljalo olakšice kriterija potrebnih za dobijanje vozačke dozvole D kategorije, neophodne za obavljanje djelatnosti vozača u cestovnom prijevozu putnika. Također bili bi olakšani uslovi za prekvalifikaciju odraslih za što predlažemo da se iznadu modeli sufinansiranja prekvalifikacije odraslih od strane države odnosno javnih fondova namijenjenih za prekvalifikaciju odraslih. Sve navedeno u konačnici bi imalo pozitivan socijalni efekat kroz rast broja zaposlenih.

IV

Zadužuje se sekretar Udruženja, da ovaj Zaključak dostavi predsjedniku i potpredsjednicima, generalnom sekretaru, zamjenicima generalnog sekretara i direktoru Sektora za transport i komunikacije VTKBiH na razmatranje.

V

Zadužuje se sekretar Udruženja, da prati realizaciju ovog Zaključka i o tome na sljedećoj sjednici izvijesti Odbor Udruženja.

Predsjednik Odbora Udruženja:

Ibrahim Kerla